



ა(ა)იპ "საქართველოს საპატრიარქოს
წმიდა ანდრია პირველწოდებულის სახელობის ქართული უნივერსიტეტი"

საქართველო, ქ. თბილისი 0179, ილ. ჭავჭავაძის გამზ. 53ა, ტელ./ფაქსი 225-82-43, ს/კ 205233022, www.sangu.edu.ge

№ _____

19 09 2018 წ.

ა(ა)იპ „საქართველოს საპატრიარქოს
წმიდა ანდრია პირველწოდებულის სახელობის ქართული უნივერსიტეტის“ რექტორის

ბ რ ძ ა ნ ე ბ ა № 276-ს

ქ . თ ბ ი ლ ი ს ი

ა(ა)იპ - საქართველოს საპატრიარქოს წმიდა ანდრია პირველწოდებულის სახელობის
ქართულ უნივერსიტეტში 2018 -2019 აკადემიური წლის შემოდგომის სემესტრში
მასწავლებლის საგანმანათლებლო პროგრამებზე მიღების გამოცხადების, ვაკანსიებისა და
ადმინისტრირების ვადების განსაზღვრის შესახებ

საქართველოს განათლებისა და მეცნიერების მინისტრის 2016 წლის 5 სექტემბრის
N 111/6 ბრძანების „პირის მასწავლებლის მომზადების საგანმანათლებლო პროგრამაზე
მიღების წესის დამტკიცების თაობაზე“, ა(ა)იპ - საქართველოს საპატრიარქოს წმიდა
ანდრია პირველწოდებულის სახელობის ქართული უნივერსიტეტის (შემდგომში -
უნივერსიტეტი) წესდების მე-6 მუხლის მეორე პუნქტის „დ“ ქვეპუნქტის, უნივერსიტეტის
აკადემიური საბჭოს 2017 წლის 13 ივლისის სხდომის N 14 დამტკიცებული მასწავლებლის
მომზადების საგანმანათლებლო პროგრამის განხორციელების წესის, ჰუმანიტარულ
მეცნიერებათა და სამართლის სკოლის დეკანის ლევან ჯიქიას 2018 წლის 19 სექტემბრის
N 1/2479 მოხსენებითი ბარათის საფუძველზე,

გ ბ რ ძ ა ნ ე ბ ა:

1. 2018 - 2019 აკადემიური წლის შემოდგომის სემესტრში გამოცხადდეს მიღება
მასწავლებლის მომზადების საგანმანათლებლო პროგრამაზე 30 ვაკანტურ ადგილზე
დანართი N1-ის შესაბამისად.

2. 2018 - 2019 აკადემიური წლის შემოდგომის სემესტრში მასწავლებლის
საგანმანათლებლო პროგრამაზე მიღების ადმინისტრირებისთვის ვადები
განისაზღვროს დანართი N2-ის შესაბამისად.

3. დადგინდეს მასწავლებლის მომზადების საგანმანათლებლო პროგრამაზე
დარეგისტრირების მსურველ აპლიკანტთა მიერ რეგისტრაციისათვის წარმოსადგენი
დოკუმენტების ნუსხა დანართი N3-ის შესაბამისად.

4. განისაზღვროს მასწავლებლის მომზადების საგანმანათლებლო პროგრამაზე
მისაღები გამოცდების (გასაუბრების) კომისია დანართი N4-ის შესაბამისად.

5. დაევალოს საზოგადოებასთან და საერთაშორისო ურთიერთობების სამსახურს ბრძანების განთავსება უნივერსიტეტის ვებ-გვერდზე და საინფორმაციო დაფაზე.

6. ბრძანება გასაცნობად დაეგზავნოთ: ხარისხის უზრუნველყოფისა და სტრატეგიული განვითარების სამსახურს; სასწავლო პროცესის რეგულირებისა და სტუდენტთა მომსახურების სამმართველოს; ჰუმანიტარულ მეცნიერებათა და სამართლის სკოლის დეკანატს; ენების ცენტრს.

7. ბრძანება შეიძლება გასაჩივრდეს საქართველოს კანონმდებლობით დადგენილი წესით გაცნობიდან ერთი თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, მე-12 კმ, №6).

8. ბრძანება ძალაშია ხელმოწერისთანავე.

რექტორი, პროფესორი



სერგო ვარდოსანიძე

2018 - 2019 აკადემიური წლის შემოდგომის სემესტრში მასწავლებლის მომზადების
საგანმანათლებლო პროგრამის მოდულები

(ვაკანტური ადგილების რაოდენობა - 30)

1. 2018 - 2019 აკადემიური წლის შემოდგომის სემესტრში მასწავლებლის მომზადების საგანმანათლებლო პროგრამაზე მიღება ცხადდება შემდეგ მოდულებზე:
1. ქართული ენა და ლიტერატურა (საბაზო და საშუალო საფეხური);
2. მათემატიკა (საბაზო და საშუალო საფეხური);
3. ისტორია (საბაზო და საშუალო საფეხური);
4. ფიზიკა (საბაზო და საშუალო საფეხური);
5. ინგლისური ენა (დაწყებითი, საბაზო და საშუალო საფეხური);
6. ქიმია (საბაზო და საშუალო საფეხური);
7. ბიოლოგია (საბაზო და საშუალო საფეხური).

შენიშვნა: გამოცხადებული საგანმანათლებლო პროგრამა განხორციელდება იმ შემთხვევაში, თუ ჩასარიცხ კანდიდატთა რაოდენობა ადმინისტრაციული რეგისტრაციის გავლის შემდგომ მოცემულ მოდულზე იქნება არანაკლებ 2-ის.

**2018 - 2019 აკადემიური წლის შემოდგომის სემესტრში მასწავლებლის მომზადების
საგანმანათლებლო პროგრამაზე მიღების პროცესის ადმინისტრირების ვადები**

1. აპლიკანტთა რეგისტრაციის გავლა და გასაუბრება - 2018 წლის 19 - 22
სექტემბერი, 10:00 საათიდან 18:00 საათამდე;
2. აპლიკანტებისათვის გამოცდის/გასაუბრების საბოლოო შედეგების გაცნობა,
რანჟირების დოკუმენტის გამოცემა და ხელშეკრულების გაფორმება - 2018 წლის
24 25 სექტემბერი;
3. ჩარიცხვის ბრძანების პროექტის მომზადება და გამოცემა - 2018 წლის
26 სექტემბერი.

მასწავლებლის საგანმანათლებლო პროგრამაზე დარეგისტრირების მსურველ აპლიკანტთა მიერ რეგისტრაციისთვის წარმოსადგენი დოკუმენტების ნუსხა:

1. განცხადება რექტორის სახელზე (შემოთავაზებული ფორმით);
2. ბაკალავრის/მაგისტრის და/ან მასთან გათანაბრებული აკადემიური ხარისხის დამადასტურებელი დოკუმენტის ასლი;
3. საგნის გამოცდის ჩაბარების დამადასტურებელი დოკუმენტი;
4. პირადობის მოწმობა (პასპორტი) – ასლი;
5. სამხედრო აღრიცხვაზე ყოფნის დამადასტურებელი მოწმობა (ვაჟებმა) - ასლი;
6. ორი ფოტოსურათი (3×4) ელექტრონული ვერსიითურთ CD დისკზე;
7. აპლიკანტის სარეგისტრაციო ანკეტა (შემოთავაზებული ფორმით)..

მასწავლებლის მომზადების საგანმანათლებლო პროგრამაზე მისაღები გამოცდების
(გასაუბრების) კომისია

1. **ზურაბ ბერაია** - ფიზიკის მეცნიერებათა დოქტორი, მასწავლებლის მომზადების საგანმანათლებლო პროგრამის ხელმძღვანელი (კომისიის თავმჯდომარე);
2. **ლევან ჯიქია** - ისტორიის დოქტორი, ჰუმანიტარულ მეცნიერებათა და სამართლის სკოლის დეკანი (კომისიის წევრი);
3. **მაია შალიკაშვილი** - ისტორიის დოქტორი, სამეცნიერო კვლევებისა და განვითარების სამსახურის კოორდინატორი (კომისიის მდივანი).